

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2524/11
Sarajevo, 23. 4. 2012. godine

02-50-6

25-04-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	25-04-2012		
Organizaciona jedinica	Klasifikaciona oznaka	Redni broj	Broj priloga
		02-50-6-16-7	11

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine je na 5. sjednici održanoj 18. 4. 2012. godine utvrdilo Odgovor na pitanje koje je postavio Dragutin Rodić, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja izaslaniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2524/11
Sarajevo, 23. 4. 2012. godine

Delegat u Domu naroda Parlamentarne skupštine Bosne i Hercegovine Dragutin Rodić, na 7. sjednici Doma naroda Parlamentarne skupštine Bosne i Hercegovine, postavio je sljedeće delegatsko pitanje:

„ Da li Vijeće ministara BiH u programu rada priprema zakona i upućivanja u parlamentarnu proceduru ima namjeru da predloži Zakon o spomenicima i spomen obilježjima?.

Mislim da se radi o vrlo značajnom zakonu i to iz dva razloga:

- Prvi je da se obilježe mjesta stradanja u proteklom ratu,
- Drugi, da se ta oblast reguliše na jedinstven način.

Na postavljeno pitanje, Vijeće ministara Bosne i Hercegovine je na 5. sjednici održanoj 18. 4. 2012. godine, utvrdilo sljedeći

ODGOVOR

Vijeće ministara BiH je u januaru 2010. godine donijelo Odluku o formiranju Ekspertne radne skupine za izradu Strategije tranzicijske pravde u BiH i Akcionog plana za njenu provedbu.

Na osnovu rezultata održanih konzultacija definirana su tri stupa buduće Strategije: 1) utvrđivanje činjenica, 2) reparacije i memorijali i 3) institucionalne reforme.

Ekspertna radna grupa je sačinila radni tekst Strategije tranzicijske pravde u Bosni i Hercegovini za period 2012 – 2016 godina. Konkretno, kada je u pitanju problematika obilježavanja mjesta stradanja u proteklom ratu radnim tekstom Strategije je predviđeno da se proces memorijalizacije neposredno naslanja na obaveze države da obezbijedi zadovoljenje zbog kršenja prava, kao i da zaštiti historijsko sjećanje, kako bi se spriječilo poricanje, revizija i negiranje prošlosti, te osigurala prevencija od kršenja ljudskih prava.

Imajući u vidu činjenicu da u Bosni i Hercegovini podizanje spomenika kao sjećanja na događaje i ličnosti u vezi sa oružanim sukobom 1992. do 1995. godine veoma često generišu kontroverzne debate u bh društvu, Strategijom se između ostalog željela otvoriti mogućnost ponude preciznijih strateških opredjeljena i usmjerenja u ovoj oblasti kako bi se suzio prostor manipulacija.

Uzimajući u obzir činjenicu da navedeni tekst Strategije tranzicijske pravde u Bosni i Hercegovini za period 2012 – 2016 godina nije dobio potrebnu saglasnost entitetskih vlada, nisu se stekle realne šanse za izradu Zakona o spomenicima i spomen obilježjima u Bosni i Hercegovini te iz navedenog razloga Ministarstvo za ljudska prava i izbjeglice Bosne i Hercegovine, u tekućoj 2012 godini, u svom programu rada nije predvidjelo upućivanje inicijative za donošenje Zakona o spomenicima i spomen obilježjima u Bosni i Hercegovini prema Vijeću ministara Bosne i Hercegovine.

Mišljenja smo da je potrebno intenzivirati napore oko usaglašavanja stavova o načinu regulisanja pitanja koja se odnose na izgradnju spomenika i spomen obilježja što je svakako sastavni dio spomenute Strategije.